

ZAPISNIK SA 21. SJEDNICE UO SAMOSTALNOG SINDIKATA RADNIKA U BHRT-u, U MANDATU 2019-2023, KOJA JE ODRŽANA U ČETVRTAK 24.06.2021. GODINE

Prisutni: Damir Smital; Neda Tadić; Džemal Kahrlica; Elvis Čengić; Dragan Miljević; Mensud Grbo; Ekrem Agić; Mustafa Baručija; Josip Sogović; Nihad Arnautović; Edis Fočo; Sadin Kavazović; Mubera Herac; Samir Gadžo; Merima Kurtović Pašalić

Odsutni: Rifat Kukić; Omer Bukić – **opravdano**

Dnevni red:

1. Zapisnici sa 20. redovne i 8 vanredne sjednice
2. Skupština – Izmjena prijedloga odluke o verifikacionoj komisiji
3. Finansije
 - Izvještaj blagajnika (D. Karšić)
 - Adriatic
4. Pomoć
5. Aktuelna situacija u BHRT-u
6. Razno

AD 1. D.Smital je na osnovu člana 35. Statuta Samostalnog sindikata radnika u BHRT-u, u 09.38. sati otvorio 21. sjednicu UO SSR u BHRT-u. Dnevni red je jednoglasno usvojen kao i zapisnici sa 20. redovne i 8. vanredne sjednice UO sindikata.

AD 2. D.Smital je informisao UO da je dobio informaciju od R.Kukića da zbog opravdanih razloga neće moći prisustvovati Skupštini sindikata i samim tim neće moći biti u Verifikacionoj komisiji kako je to i predviđeno odlukom UO.

Na osnovu člana 33. Statuta Samostalnog sindikata radnika u BHRT-u i člana 13 Poslovnika o radu Skupštine SSR u BHRT-u, D.Smital je predložio Odluku o izmjeni prijedloga članova verifikacione komisije Skupštine SSR u BHRT-u kojom se predlaže za člana verifikacione komisije Samira Gadžu, umjesto Rifata Kukića. Ova odluka je usvojena sa 14 glasova za i 1 suzdržanim. Merima Kurtović Pašalić je prihvatila da bude zapisničar Skupštine, kao i Džemal Kahrlica i Edis Fočo da budu ovjerivači zapisnika.

E.Čengić je istakao da je neodgovorno od strane kolege R.Kukića da se na ovakav način u posljednji čas javlja da neće prisustvovati sjednici skupštine, a pri tom je učestvovao u dogovoru za termin skupštine i predlagao i termin kao i moguće mjesto održavanja skupštine. E.Čengić smatra da je D.Smital bio korektan u potpunosti kada je usaglašavanje termina skupštine u pitanju kako bi svi članovi UO bili prisutni na istoj. Svaki član UO je po mišljenju E.Čengića dužan prisustvovati Skupštini sindikata i u potpunosti učestvovati u radu iste.

AD 3. Blagajnički izvještaji D.Karšić za maj 2021. godine je primljeni k znanju.

E.Čengić je napomenuo da je evidentno iz blagajničkog izvještaja da je došlo do povećanja pojedinih plaća uposlenika obzirom da članarina nije znatno umanjena iako su place umanjene 10% što potvrđuje i izvještaj Nadzornog odbora koji je upućen prema Skupštini sindikata.

- Izvještaj M.Herac o poslovanju sa Adriatic osiguranjem za maj 2021.godine je primljeni k znanju.

E.Čengić uputio inicijativu Podružnice RTV Produkcije da se izdvoje sredstva za iscrtavanje parking mjesta na našem parking obzirom na haotično stanje tokom godine.

Za ovaj projekat je neophodno izdvojiti najmanje 3000,00 KM cc obzirom na broj mjesta i potrebno mjerenje (20,00KM cc po jednom parking mjestu) kako su dobijene informacije iz firme koja obavlja te poslove (Sacom doo Sarajevo).

E.Čengić je predložio da se ova inicijativa ukoliko bude usvojena uputi i menadžmentu kako bi, ukoliko su u mogućnosti donirali dio sredstava za ovaj projekat. Inicijativa Podružnice RTV Produkcije je jednoglasno usvojena.

AD 4. Komisija za dodjelu finansijske pomoći (M.Herac, R.Kukić, M.Baručija) predložila je da novčanu pomoć za mjesec juni 2021.godine dobiju slijedeći članovi: Solak Kadira 200KM, Aljičević Amra 250KM, Serdarević Džanita 250KM, Pleho Edin 500KM . Ukupno 1200,00KM.

Prijedlog odluke komisije je usvojen sa 14 glasova za. Jedan član UO nije glasao.

AD 5. D.Smital je informisao UO da je 15.06.2021.godine održan sastanak sindikata sa generalnim direktorom.

Teme sastanka su bile: plata i doprinosi, naplata RTV takse, plaćanje rada na praznike, ugovor sa Elektroprivredom BiH, aktuelna dešavanja na BHRT-u, restoran i vakcinacija.

Rukovodstvo sindikata je postavilo pitanje umanjenja plata od 10% koje traje od početka pandemije. Generalni direktor je iznio da je umanjen priliv sredstava, jer je RTV Federacije izmirila ranija dugovanja po pitanju naplaćene RTV takse i usluga koje je BHRT vršio za RTV Federacije, te u budućem periodu BHRT neće moći računati na ta sredstva. Također BHRT je napravio dogovor sa EBU-om da se plaća dio duga prema njima u mjesečnim ratama od po 100.000 KM kako bismo mogli imati dozvolu za emitovanje prijenosa Paraolimpijskih igara i Svjetskog prvenstva u fudbalu 2022. Također u toku su pregovori sa Poreskom upravom oko izmirenja duga na rate. Naplata takse je u okviru prošlogodišnjih iznosa.

Potrebno je izvršiti i rekonstrukciju kotlovnice koja se više ne može popravljati, prije nastupanja hladnijih dana, što također iziskuje značajna finansijska sredstva. Zbog svega navedenog generalni direktor nam je rekao da u narednom periodu neće biti uvećanja plate. Krediti će biti uplaćeni danas, od doprinosa penziono je uplaćeno za septembar 2020 a zdravstveno za april 2021.

Rukovodstvo sindikata je tražilo da se nađe rješenje za plaćanje nedjelja i praznike za radnike koji rade po dispoziciji i u turnusima. Generalni direktor je zatražio da mu se pošalje dopis sa konkretnim primjedbama, pa će razmotriti moguća rješenja. D.Smital je istakao da je danas upućen i zvaničan dopis u vezi ovog problema.

Što se tiče produženja ugovora sa Elektroprivredom BiH oko naplate takse, pregovori su u toku.

Rukovodstvo sindikata je izrazilo nezadovoljstvo aktuelnim dešavanjima u programu BHRT-a koji srozavaju ugled BHRT-a i njegovih radnika, te direktno, kroz naplatu RTV takse utiču na njihovu egzistenciju. Također je istaknuto da je sindikat više puta do sada skretao pažnju menadžmentu na slične pojave. Od generalnog direktora je traženo da se menadžment pobrine da radnici poštuju sve akte BHRT-a, da se u što kraćem roku istraže navedeni slučajevi i postupi u skladu sa aktima BHRT-a.

Također je zatraženo da se u svim budućim slučajevima kršenja akata BHRT-a od strane radnika, koji za direktnu posljedicu imaju narušavanje ugleda BHRT-a i njegovih radnika, reaguje bez izuzetka i primjene odgovarajuće sankcije u skladu sa utvrđenom odgovornošću. Generalni direktor je iznio da je pokrenuo disciplinski postupak protiv Zorice Jorgić i Gordane Dragutinović-Mutić, kao i da je zatražio očitovanje urednice IP-a BHT1 Jelene Radojević Kapor, radi utvrđivanja njene odgovornosti u istom slučaju. Također je iznio da je zatražio da se postupak ubrza, koliko je to moguće u skladu sa aktima BHRT-a, kao i da će o ishodu postupka obavijestiti javnost. U slučaju Ivana Crnjca, utvrđena je odgovornost i biće sankcionisan umanjnjem plate.

Restoran i snekovi bi trebali početi sa radom u narednih nekoliko dana.

Kada je u pitanju vakcinacija, pokušaće se obezbijediti još jedan termin organizovanog odlaska radnika na vakcinaciju, prvom dozom vakcine.

D.Smital je zaključio 21.sjednicu UO Sindikata u 10.29 sati.

Izvršni sekretar
SAMOSTALNOG SINDIKATA
RADNIKA U BHRT-u
Elvis Čengić

Predsjednik
SAMOSTALNOG SINDIKATA
RADNIKA U BHRT-u
Damir Smital